

Era istòria de Cal Rossa

Nòm: _____


Grop: _____

Cal Rossa ei un vielh palhèr e ues bòrdes que, recentaments, s'an reabilitat tà hèr-ne un espaci agradiu e poder desconnectar dera ciutat e connectar-te damb eth Pirenèu.

Cal Rossa preten recuperar er auviatge naturau, istoric e culturau deth pòble de Taús (un petit pòble dera província de Lhèida a on sonque i demoren sies abitants) damb er objectiu de hèr a conèisher eth territòri. Francesc, Joana, Kiro, Montse, Ot, Txopo, Urgell e Xavi, son es empenedors qu'an decidit tirar endeuant eth projècte de Cal Rossa. Toti eri son descendents de diferents cases deth pòble de Taús.

Hè pòc mès d'un an, aguesta casa, ara convertida en uns lotjaments de torisme rurau, ère ara venta des de hège mès de dètz ans. Se trobaue en pòble de Taús e era bastissa ère fòrça deteriorada. Francesc, Joana e es sòns companhs aueren ua idea e decidiren convertir-lo en un espaci tranquil, entorat de païsatges verdi e a on era gent podesse anar a passar ua estada erosa. Cromptèren era casa e, en pòqui mesi, ja l'aueren reabilitada e convertida en un centre de torisme rurau. Eri an sabut mantier er encant deth pòble e dera sua familha, ja qu'es lotjaments rebremen perfèctaments eth palhèr e es bòrdes que hè sègles auien estat eth Palhèr, era Bòrda, era Èira e eth Lauader.

Ua des granes caracteristiques d'aguest establiment ei que non i a ne bars ne restaurants ne botigues en sòn entorn. Açò hè que toti es clients que i volguen anar s'agen de portar eth minjar de casa, lo crompten a travès dera botiga electronica (que se tròbe ena sua plana web) o profiten es recodines que son laguens des abitacions a on pòden trobar-i productes ecologics e deth territòri.



Taús tostemp a estat un pòble fòrça petit e, damb eth pas des ans, era gent se n'a anat tara ciutat per manca de servicis. Es persones que gerissen aguest negòci crederen qu'auien de hèr quauquarren en sòn pòble, a on auien neishut es sòns pairs, pr'amor que, se non, se perdie era essència de casa sua, deth sòn petit pòble.

Aguest projècte ei modèrn e innovador, ja qu'ath delà de mantier er auviatge culturau e istoric deth pòble de Taús, tanben ajude a persones desfavorides. E ei qu'ua empresa dera Sèu d'Urgelh, d'insercion de persones damb risc d'exclusion social, s'encuede dera ròba, es linçòs e es tovalhòles, tà que tostemp siguen en un perfècte estat.

Ua des qüestions que mos poiriem demanar ei coma se cauhe ua casa tan grana e damb tant d'espaci. Çò de mès estonant ei que foncione sense cauhatge. Era casa ei hèta de husta, qu'ei fòrça mès cauda que quinsevolh aute materiau, e açò hè que se pogue cauhar sonque damb era energia deth solei. Er espaci compde damb uns veires fòrça grani, uns boni isolaments e un sistèma de ventilacion intèrna que hè que se renauisque er aire de tota era casa cada tres ores tà que non provòque umitats o males olors.

Se vòs saber mès informacion sus Cal Rossa, consulta'n era plana web: <https://www.calrossa.com/>

VOCABULARI E EXPRESSIONS

Palhèr: tipe de construccion utilizat entà secar o salvar era èrba.

Bòrda: estable destinat as shivaus e d'aute bestiar, a on s'embarren dromissen e se neurissen. Tanben s'i pòden salvar es coches e carròces.

Èira: espaci de tèrra, aplanit a on meten era palha o legums tà bater-les e separar eth gran dera palha.

Botiga electronica: tipe de comèrç qu'utilize ua plana web o ua aplicacion damb connexion a Internet tà véner es sòns productes.

Producte ecologic: neurtuds produsides d'ua forma naturau e sense que i participen productes quimics.

SINONIMS

Lotjament: abitacion, cramba.

Descendent: ereu, hilh, arrèrhilh.

Desafavorir: desprotegir.

Projècte: plan, negòci.

1 AUEM CURIOSITAT

1. Perqué Francesc, Joana e es sòns companhs decidiren abilitar un palhèr e convertir-lo en un espaci de torisme rurai?

.....

2. Quines cases de torisme rurai coneishes deth tòñ pòble o deth tòñ entorn? Poiries explicar era istòria d'ua d'eres?

.....

3. Hè ua petita enquèsta as tòns amics, familhars e vesins e demana, quan hèn vacances, guairi ac hèn en establiments de torisme rurai e perqué.

.....

4. Coneishes empreses qu'agen botiga electronica, es productes des quaus se poguen crompar per Internet? Explica quines e es productes que venen.

.....

5. Penses que Cal Rossa utilize energia renovabla? Perqué?

.....